

Ilulissat ulloq 20. juli 2015

Inatsisartut suleriaasiat § 37 immikkoortoq 1 naapertorlugu matumuuna Naalackersuisunut apeqquut imaattoq saqqummiuppara.

(inatsisartunut ilaasortaq, Anthon Frederiksen, Partii Naleraq).

Naalackersuisunut apeqquut:

1. kalaallit ilinniartut piffissap ilaatigut danmarkimi ilinniaqqittariaqartartut, kisiannili nunatsinni najungaqartut, nunatsinnilu kollegiamut najungarisamut akilersuisut, danmarkimiinnermini najungarisamut akiliisariaqartartut, nunatsinni kollegiamut piffissami danmarkimiinnermi akiliinngikkallarnissamut qanoq periarfissaqarpat ?

Tungavilersuut:

Nunatsinni ilinniartoqarpoq, ilinniarnep nalaani danmarkimi atuartariaqartartunik, assersuutigalugu, ilinniartoq nunatsiini kolligiami najungaqartoq – ilinniarnepini piffissap ilaatigut danmarkimi ilinniarnepinut atatillugu qaammatip pingasut danmarkimi atuqqittariaqartarpoq, piffissamilu tassani ilinniartoq, danmarkimiinnermini najungarisaminut akiliisariaqartarpoq aamma saniatigut nunatsinni kollegiami najungarisaminut akiliisariaqartarluni, taamaalilluni ilinniartoq piffissap ilinniarnep nalaani najungarisaminut marlunnut (nunatsinni kollegiamut, danmarkimilu najungarigallarisaminut) akiliisariaqartarluni, naak ilinniarnepsiutaannarnik qaammammut pisartagaqaraluarluni.

Taamatullu ilinniartoq piffissap ilaani inigisaminut marloqiusamik akiliisariaqartarneq, ilinniartumut aningaasaqarniarnikkut assut nanertuutaasarpoq.

Taamaattoqartillugu ilinniartoq, nunatsinni kollegiani piginnarniarlugu akiliisariaqartartoq sutigut periarfissaqarpa inigisaminut marlunnut ataatsikkut akiliinngiffissaqarnerminut, tassami ilinniartoq danmarkimiinnermini nunatsinni kollegiamut akiliinngikkuni, uternissaminut kollegiami inigisami annaaratarsinnaammagu.

Ullut suliffiit qulit qaangiutinnginerini akineqarnissara kissaatingaara.

Inussiarnersumik inuulluaqqusillunga

Anthon Frederiksen

Partii Naleraq.